



UNIVERSITÄTS-
BIBLIOTHEK
PADERBORN

**R. P. Christiani Mayer E Societate Iesv, Diarivm
Meditationvm, De Præcipvis Vitæ Christi mysteriis**

Mayer, Christian

Coloniæ Agrippinæ, 1635

2. De iustitia Dei

[urn:nbn:de:hbz:466:1-60091](#)

De Iustitia Dei.

II.

I. Expende 1. quām lata sit iustitia
Dei, seu quām latē se extendat,
ad omnium hominum & Angelorum
omnia & singula mala merita punien-
da, & bona merita remuneranda.
Quām longa sit, seu coetera ipsi,
qui quamdiu est Deus, tamdiu est iu-
stus. 3. Quām sublimis, seu quām per-
fecta, cui nihil possit addi, nec demi,
qui exactissimē reddit vnicuique se-
cundum opera sua, quorum omnium
numerum, pondus & mensuram pro-
fundissimē penetrat. 4. Quām de-
mum profunda & inuestigabilis sit ea-
dem iustitia Dei, qui iustissimo iudi-
cio ex communi massa corruptionis
alios elegit gratis in vasa misericordiæ
ad æternam gloriam, præ totalijs præ-
uisis veluti vasis iræ in contumeliam.
O quām verè dixit admirabundus
Psaltes : *Iustitia tua sicut montes Dei, Psal. 35o*
iudicia tua abyssus multa ! quām lon-
gè hæc iustitia superat omnem crea-
tam iustitiam ! quanto exactius red-
dit vnicuique, quod suum est, ut potè,
qui non solum vult, sed & scit, & po-
test ex amissim omnia tam bona, quā
mala, recompensare. Admiratio, vene-
ratio,

Aa 4

Ds

ratio, laudatio iustitiae Dei; horror diuinæ offensæ, zelus proficiendi in omni sanctitate.

II. Quam manifesta infinitæ iustitiae Deus à condito mundo hucusque ediderit, hodieque edat, non raro, exempla. 1. In plectendis malis meritis spirituum Apostolicorum, protoplastorum parentum, omnium corruptorum hominum tempore diluuij detorium, Sodomitarum exustorum, Israelitearum rebellium toties castigatorum, Beniamitarum penè excisorum, tot aliorum peccatorum, quoniam aliquos tam horrendis modis, etiam in hac vitâ, mulctat, alios in futurum aeternum puniendos reseruat occulto quidem, sed iustissimo iudicio. 2. In remunerandis bonis meritis seruorum suorum, uti, in veteri lege, Patriarcharum Abraham, Isaac, Jacob, Ioseph, piorum Regum Davidis, Ezechiæ, aliorumque diuinæ legis obseruatorum, uti Tobiae, Machabæorum: in noua lege, tot Apostolicorum virorum, Martyrum, Confessorum, aliorumque piorum in hodiernum usque diem obsequia, & sanctos pro ipsius gloria.

gleria susceptos labores partim in
hac vitâ remunerare, in futurum
copiosius remunerandos reserua-
ra consueuit. Affectus ferè ij-
dem.

III. Quantò demum luculen-
tius infinitam suam iustitiam in fu-
turo sæculo sit æternum declara-
turus, in reproborum omnium
omnibus & singulis prævaricatio-
nibus rigidissimè mulctandis, tum
in Electorum bonis desiderijs,
& operibus exactissimè remune-
randis in numero, pondere &
mensurâ secundum normam iusti-
tiae suæ, quæ nec unicum qui-
dem malum desiderium relinques
impunitum, nec minimum
desiderium bonum irremu-
neratum. Affectus ij-
dem renouan-
di.

A a s

D e e